



KOMUNIKASAUN BA IMPRESA

21 Dezembru 2009

PROSESU FOTI DADUS KONA-BA RAI REMATA IHA CAPITAL DISTRITU MANATUTO.

Direcção Nacional de Terras, Propriedades e Serviços Cadastrais (DNTPSC) hamutuk ho projetu Ita Nia Rai ne'ebe hetan suporta husi USAID, remata ona prosesu foti dadus kona-ba rai no na'in ba rai iha Distritu Manatuto. Nudar ita hotu hatene katak Distritu Manatuto sai hanesan area pilotu ida ba Programa Ita Nia Rai hodi koko prosedimentu ba prosesu tomak foti dadus kona-ba rai iha Timor Leste. Prosesu pilotu foti dadus kona-ba rai iha Distritu Manatuto hahu iha loron 17 Novembru 2008. Rekoilha dadus ne'ebe refere remata ona iha 30 Novembru 2009 no formalmente taka ona programa foti dadus iha Distritu Manatuto iha loron 3 Dezembru 2009.

Durante ne'e Equipa "Ita Nia Rai" iha Distritu Manatutu konsege rekoilha ona dadus kona ba rai hamutuk 1375 husi nain ba rai hamutuk ema 1430 pesoas. Tuir Sr. Jaimito Candido da Costa, Manager ba Resolusaun Disputa nian, hateten katak husi dadus ne'ebe maka rekoilha hatudu katak disputa kona-ba rai ho total hamutuk 102 maibe rezolve ona 11 Hela 91 disputa. Husi 91 numeru ida ne'e sei kontinua rezista iha baze de dadus iha kategoria ne'ebe indika hanesan rai disputada, tamba seidaik rezolvidu. Husi tipu disputa ne'ebe maka iha, hatudu katak disputa entre privadu ka grupu komunidadade hamutuk 80 no disputa privadu no grupu hasoru ho estadu hamutuk 11."

Task Manager Land Registration Specialist Sr. Sancho da Silva hateten katak: "Remata atividade rekoilha dadus iha Capital Distritu Manatuto, ho razaun atu fo mos oportunidade ba capital distritu seluk atu participa iha programa ida ne'e. Tamba mandatu programa Ita Nia Rai, hetan apoiu durante tinan lima (5) nia laran. Agora dadaun Programa tama ona iha tinan tolu (3) implementa ninia atividades. Ne'eduni programa ida ne'e iha intensaun atu loke ninia edificio iha Capital Distritu hotu iha teritoriu Timor-Leste tomak." Sancho haktuir katak, "maiske

atividades rekoilha dados remata ona iha Capital Distritu Manatuto maibe edifisiu Ita Nia Rai sei mantein nafatin hodi organiza dados nebe iha, kontinua foti dados ba parcelas ne'ebe pendiente hela, halao publikasaun mapa, halo mediasaun no halao preparasaun tranzisaun dados hotu ba Direcção de Terras, Propriedades e Serviços Cadastrais (DTPSC) iha Distritu refere.

Direcção Nacional de Terras, Propriedades e Serviços Cadastrais (DNTPSC) no Programa Ita Nia Rai sei kontinua prosesu foti dados kona-ba rai no nain ba rai iha Capital Distritu hanesan Aileu, Baucau, Bobonaro, Liquiçá, Oecusse no Dili. Iha planu programa Ita Nia Rai sei kontinua foti dados kona-ba rai iha Distritu Lautém tinan oin mai.

HAMETIN DIREITU BA PROPRIEDADE IHA TIMOR-LESTE

Balide, Dili, Timor-Leste

Hodi hetan informasaun liu tan, bele kontaktu:

Jose Caetano Guterres

TEL: +670 730 4325

Email: jcaetano@sprtl.tl